

魯迅集



憤于長夜過底時攀歸聊離
有緣夢裏依稀忍也淚城頭
行大王旗忍看明輩或到鬼怒
向刀邊覓小詩吟霜低眉主寫
羲月光如水灑端衣

李布見 敬正
年年春作伴

魯迅



中国文史出版社

鲁迅选集

第十一卷

日记(上)

中国文史出版社

靈臺無計逃神矢
而
山礮聞故國
守土寒
里胥不察
我以我血薦
軒轅

二十一歲時作於仙台時
魯迅

这首后来被称作《自题小像》的诗，抒发了鲁迅对灾难深重的祖国的深深眷念和忧虑的情怀。1903年鲁迅曾将此诗题在“断发照”背面，赠给同学许寿裳。



藤野严九郎(1873-1945)，鲁迅在仙台医专时的老师。1906年鲁迅离开仙台前，藤野先生以此照相赠，并在背面题写“惜别”二字。



1904年9月鲁迅入仙台医学专门学校学医，当时他是该校唯一的中国留学生。




1906年初，鲁迅在课间放映的幻灯片中看到，一个中国人被日军杀害而许多中国人竟麻木不仁地观看。这使鲁迅痛切地感到，医治人们的精神比医治肉体更重要。



1927年10月25日，鲁迅往江湾劳动大学讲演题为《关于知识阶级》。



1927年11月2日，鲁迅到复旦大学作了题为《革命文学》的讲演。



为抗议国民党杀害左联五作家的暴行，鲁迅与冯雪峰等秘密编印了《前哨》“纪念战死者”专号。



1931年4月20日，编完《前哨》“纪念战死者”专号后，鲁迅与冯雪峰两家合影留念。

第十一卷 目录

壬子日记〔一九一二年〕	(1)
癸丑日记〔一九一三年〕	(25)
甲寅日记〔一九一四年〕	(61)
乙卯日记〔一九一五年〕	(95)
丙辰日记〔一九一六年〕	(130)
丁巳日记〔一九一七年〕	(163)
戊午日记〔一九一八年〕	(189)
己未日记〔一九一九年〕	(215)
日记第九〔一九二〇年〕	(238)
日记第十〔一九二一年〕	(256)
日记十二〔一九二三年〕	(278)
日记十三〔一九二四年〕	(304)
日记十四〔一九二五年〕	(335)

第十二卷 目录

日记十五〔一九二六年〕	(369)
日记十六〔一九二七年〕	(403)
日记十七〔一九二八年〕	(437)
日记十八〔一九二九年〕	(468)
日记十九〔一九三〇年〕	(501)
日记二十〔一九三一年〕	(533)
日记廿一〔一九三二年〕	(562)
日记廿二〔一九三三年〕	(594)
日记廿三〔一九三四年〕	(632)
日记廿四〔一九三五年〕	(677)
日记廿五〔一九三六年〕	(718)
附录 一九二二年日记断片	(747)

壬子日记

五月

五日 上午十一时舟抵天津。下午三时半车发，途中弥望黄土，间有草木，无可观览。约七时抵北京，宿长发店。夜至山会邑馆访许铭伯先生，得《越中先贤祠目》一册。

六日 上午移入山会邑馆。坐骡车赴教育部，即归。予二弟信。夜卧未半小时即见蟹虫三四十，乃卧卓上以避之。

七日 夜饮于广和居。长班为易床板，始得睡。

八日 致二弟信凡三纸，恐或遗失，遂以快信去。下午得二弟信，二日发。夜饮于致美斋，国亲作主。

九日 夜小雨。微觉发热，似冒寒也。

十日 晨九时至下午四时半至教育部视事，枯坐终日，极无聊赖。国亲移去。

十一日 上午得二弟、信子、三弟信，五日发。午就胡梓方寓午餐。夕董恂士来，张协和亦至，食于广和居。董君宿于邑馆，以卓卧之。

十二日 星期休息。晨协和来。午前何燮侯来，午后去。下午与季茀、诗荃、协和至琉璃厂，历观古书肆，购傅氏《纂[纂]喜庐丛书》一部七本，五元八角。寄二弟信。

十三日 午阅报载绍兴于十日兵乱，十一犹未平。不测诚妄，愁绝，欲发电询之，终不果行。夕与季茀访燮和于海昌会馆。

- 十四日 晨以快信寄二弟，询越事诚妄。
- 十五日 上午得范爱农信，九日自杭州发。
- 十六日 下午蒯若木来。夕蔡国青来，饭后去。
- 十七日 大雨。宣武门左近积水没胫，行人极少，予与季市往返共一骡车。
- 十八日 晴。下午吴一斋来。董恂士、张协和来，与季市俱至广和居，蔡国亲已先在，遂共饭。夜恂士宿季市处。
- 十九日 与恂士、季市游万生园。又与季市同游陶然亭，其地有造象，刻梵文，寺僧云时物，不知诚否。苦望二弟信不得。夜得范爱农信，十三自杭州发。
- 二十日 晨得宋子佩信，十二自越发。上午得童鹏超信，十三自越发，谬极。
- 二十一日 上午顾石臣至部来访，谢不见。晚散步宣武门外，以铜元十枚得二花卉册，一梅，一夫渠，题云二十二日晚顾石臣来，纠缠不已，良久始去。
- 二十三日 晨寄范爱农、宋子佩信。下午得二弟信，十四日发，云望日往申迎羽太兄弟。又得三弟信，云二弟妇于十六日下午七时二十分娩一男子，大小均极安好，可喜。其信十七日发。晚寄二弟信。
- 二十四日 梅君光羲贻佛教会第一、二次报告各一册。
- 二十五日 下午至琉璃厂购《李太白集》一部四册，二元；《观无量寿佛经》一册，三角一分二；《中国名画》第十五集一册，一元五角。
- 二十六日 星期休息。下午同季市、诗荃至观音寺街青云阁啜茗，又游琉璃厂书肆及西河沿劝工场。
- 二十七日 得二弟信，二十一日发。
- 二十八日 晨寄二弟及其夫人信。晚谷青来。
- 二十九日 无事。
- 卅日 得津帖六十元。晚游琉璃厂，购《史略》一部两册。

八角；《李龙眠白描九歌图》一帖十二枚，六角四分；《罗两峰鬼趣图》一部两册，两元五角六分。

卅一日 下午寄二弟信。晚得二弟、三弟信，廿六日发。夕谷清招饮于广和居，季市亦在坐。

六月

一日 下午寄二弟、三弟信。晚同恂士、铭伯、季市饮于广和居。

二日 星期休息。午后铭伯、季市、诗荃同游万生园。张协和、游观庆来，不值。

三日 夜腹痛。收二十七、八日《民兴日报》各一分。

四日 得范爱农信，三十日杭州发。

五日 下午寄二弟信。晚雨有雷，少顷霁。

六日 下午雨。得二弟信，三十日发。夜补绘《於越三不朽图》阙叶三枚。

七日 阴。得升叔信，二日九江发。收初一日《民兴日报》一分。得杜海生信。

八日 晚访杨莘士于吴兴会馆。国亲来。收五月卅一日《民兴报》一分。

九日 晨商生契衡来。上午至青云阁理发。午后赴琉璃厂购《四印斋校刻词三种》一部四册，一元；善化童氏刻本《沈下贤集》一部二册，二元五角；《畿辅丛书》本《李卫公会昌一品集》一部六本，二元。得二弟信，三日杭州发。收初二、三《民兴报》各一分。夜大雷雨。

十日 晨寄二弟信。寄杜海生信。上午得三弟信，初四日发。收四日《民兴日报》一分。午后与齐君宗颐赴天津，寓其族人家，夕赴广和楼考察新剧，则以天阴停演，遂至丹桂园观旧剧。

十一日 上午至日租界加藤洋行购领结一，六角五分；革履一，五元四角。午后赴天乐园观旧剧。夜仍至广和楼观新剧，仅一出，曰《江北水灾记》，勇可嘉而识与技均不足。余皆旧剧，以童子为之，观者仅一百卅余人。

十二日 晚自天津返北京。微雨。得二弟及信子信，并六日发。收五日《民兴报》一分。

十三日 晚小雨。饮于广和居，国亲为主，同席者铭伯、季市及俞英崖。收六、七日《民兴日报》各一分，有《童话研究》，起孟作也。

十四日 晨寄三弟及二弟妇信。午后与梅君光羲、吴〔胡〕君玉搢赴天坛及先农坛，审其地可作公园不。收八日《民兴报》一分。

十五日 午寄二弟信。下午得二弟及三弟信，并九日发。收九日《民兴日报》一分。

十六日 星期休息。上午赴青云阁购袜子、日伞、牙粉等共二元六角。又赴琉璃厂购《龚半千画册》一本，八角；陈仁子《文选补遗》、阮刻《列女传》各一部，共六元。下午寄二弟及三弟信。晚协和、谷青来谈。

十七日 收十日、十一日《民兴报》各一分。大热。

十八日 晨头痛，与齐寿山闲话良久始愈。晚雷雨。

十九日 旧端午节。收十二日《民兴报》一分。夜铭伯、季市招我饮酒。

二十日 收十三日《民兴日报》一分。

二十一日 下午四时至五时赴夏期讲演会演说《美术略论》，听者约三十人，中途退去者五六人。收十四日《民兴日报》一分。收共和党事务所信。

二十二日 得二弟信，十五日绍兴发。又得升叔信，十六日九江发。收十五、十六日《民兴日报》各一分。蔡总长元培于昨日辞职。收共和党证及徽识。

二十三日 星期休息。上午寄三弟信，内附与二弟信一小函。下午董恂士来谈，晚饮于广和居，铭伯亦去，季市为主。收十七、十八日《民兴日报》各一分。

二十四日 无事。

二十五日 雨，傍晚霁。午后视察国子监及学宫，见古铜器十事及石鼓，文多剥落，其一曾剜以为臼。中国人之于古物，大率尔尔。

二十六日 上午太学守者持来石鼓文拓本十枚，元潘迪《音训》二枚，是新拓者，我以银一元两角五分易之。下午得二弟信，二十一日杭州发，内附《童话研究》草稿四枚。收十九、二十日《民兴日报》各一分。收全浙公会信，内《全浙公会章程草案》四纸，发起者孙宝瑚、汪立元、王潜、李升培、王葵、王亮等，皆不相识，未知其人如何，拟置不报。

二十七日 下午假《庚子日记》二册读之，文不雅驯，又多讹夺，皆记“拳匪”事，其举止思想直无以异于斐、澳野人。齐君宗颐及其友某君云皆身历，几及于难，因为陈述，为之瞿然。某君不知其名氏，似是专门司司员也。收二十一日《民兴日报》一分。

二十八日 午后小雨，旋止。四时赴夏期讲演会述《美术略论》，至五时已。收三弟信，二十二日发。收二十二日《民兴报》一分。晚复雨，旋止。

二十九日 晨寄二弟信。又寄三弟信。收本月津帖六十元。下午至直隶官书局购《雅雨堂丛书》一部二十册，十五元；《京畿金石考》一部二册，八角。得二弟妇信，附芳子信一纸，二十三日发。收二十三日《民兴报》一分。夜饮少许酒。

三十日 星期休息。上午谢西园来，云居香炉营头条谢宅，商生契衡亦至，饭于广和居，午后并去。收二十四日《民兴报》一分。

七月

一日 部改上午七时半至十一时半为理事时间。得二弟信，六月二十六日杭州发。收六月二十五日《民兴日报》一分。

二日 蔡总长第二次辞职。收协和还金五元。收二十六日《民兴报》一分。

三日 下午与季市浴于观音寺街之升平园，甚适。至琉璃厂购明袁氏本《世说新语》一部四册，二元八角，尚不十分刑弊，惜纸劣耳。又《草堂诗余》一册，二角，似是《词学丛书》残本也。

四日 上午寄二弟信。午得陈子英信，二十七日绍兴发。又得三弟信并《近世地理》一册，二十八日绍兴发。收廿七、廿八日《民兴报》各一分。

五日 大雨。下午四时赴讲演会，讲员均乞假，听者亦无一人，遂返。寄三弟信，内附与二弟妇及芳子信一小函。得二弟信，三十日发。夜又大雷雨。

六日 雨。晨寄二弟信。午得三弟信，二十九日发。收二十九日《民兴日报》一分。晚与季市同饮于广和居。

七日 星期休息。晨得刘楫先信，初一日上虞发。午得二弟信，初一日发。收六月卅、七月一日《民兴日报》各一分。午后协和、谷青来。夜雨。

八日 雨。上午得上海通俗教育会信并《通俗教育研究录》一册。

九日 晴。下午收二日、三日《民兴日报》各一分。临时教育会议开始。夜小雨。

十日 晴，热。上午九时至十时诣夏期讲习会述《美术略论》，听者约二十余人。午前赴东交民巷日本邮局寄东京羽太家信并日银十圆。下午与季市访蔡孑民于其寓，不值。夜小雨。

十一日 寄三弟信，内附与二弟信一小函，又与二弟妇笺一枚。收小包一，内 P. Gauguin: 《Noa Noa》、W. Wundt: 《Einführung in die Psychologie》各一册，六月二十七日绍兴发。夜读皋庚所著书，以为甚美；此外典籍之涉及印象宗者，亦渴欲见之。夜收初四日《民兴日报》一分。夜大雨。

十二日 晴。下午得二弟信，五日发。又得三弟信，六日发。晚收五日、六日《民兴日报》各一分。夜雨。闻临时教育会议竟删美育。此种豚犬，可怜可怜！

十三日 雨。无事。

十四日 晴。星期休息。晨寄二弟及三弟信。上午张协和、杨莘士来。收初七日《民兴日报》一分。下午偕铭伯、季市饮于广和居，甚醉。夜又收初八日《民兴日报》一分。

十五日 上午至教育会傍听少顷。下午部员为蔡总长开会送别，不赴。收初九日《民兴日报》一分。

十六日 晨收本月分津帖六十元。收初十日《民兴日报》一分。夜雨。

十七日 雨。教育部次长范源濂代理总长。上午九时至十时在夏期讲会述《美术略论》，初止一人，终乃得十人，是日讲毕。傍午晴。下午谢西园来谈，假去十圆。晚饮于季市之室。

十八日 上午收十一日《民兴日报》一分。下午大热，动雷。

十九日 晨得二弟信，十二日绍兴发，云范爱农以十日水死。悲夫悲夫，君子无终，越之不幸也，于是何几仲辈为群蠹。午收十二、十三日《民兴日报》各一分。下午与季市访蔡子民不遇，遂至董恂士家，与钱稻孙谈至晚才返。

二十日 上午寄二弟信。又寄陈子英信。收十四日《民兴报》一分。下午赴青云阁购日用什物，又至瑤〔琉〕璃厂购《黄子久秋山无尽图卷》一册，五角；《梦窗词》一册，四角；《老学庵笔记》二册，八角。晚杨莘士、钱稻孙来，遂同饮于广和居、

季市亦往。夜大雨。

二十一日 阴。星期休息。上午雨。胡孟乐来。杜海生来。下午大雨。蔡谷青来。晚得二弟及三弟信，十五日发。又收十五日《民兴报》一分。

二十二日 大雨，遂不赴部。晚饮于陈公猛家，为蔡子民饯别也，此外为蔡谷青、俞英厓、王叔眉、季市及余，肴膳皆素。夜作均言三章，哀范君也，录存于此：

风雨飘摇日，余怀范爱农。华颠萎寥落，白眼看鸡虫。

世味秋荼苦，人间直道穷。奈何三月别，竟尔失畸躬！

海草国门碧，多年老异乡。狐狸方去穴，桃偶已登场。

故里寒云恶，炎天凜夜长。独沈清冷水，能否涤愁肠？

把酒论当世，先生小酒人。大圜犹茗芋，微醉自沈沦。

此别成终古，从兹绝绪言。故人云散尽，我亦等轻尘！

二十三日 雨。天气颇寒。上午收十七日《民兴日报》一分。下午杜海生来。俞英厓以吴镇及王铎画山水见视。

二十四日 阴。上午得羽太家信，十七日东京发。收夏期讲演会车马费十元。收十六、十八日《民兴日报》各一分。午后微雨。

二十五日 阴。下午寄二弟信，内附与三弟笺一枚。钱稻孙来。

二十六日 晴。闻教育部总长为范源廉。下午谢西园来。得二弟信，二十日发。收二十日《民兴日报》一分。俞英厓、王叔眉两君来。

二十七日 上午寄二弟信。午得二弟及三弟信，二十一日发。收二十一日《民兴报》一分。晚与季市赴谷青寓，燮和亦在。少顷大雨，饭后归，道上积潦二寸许，而月已在天。

二十八日 星期休息。晨稻孙来，午饭于广和居，季茀、莘士在坐。饭后赴吴兴馆，夜又饭于便宜坊。收十九日《民兴日报》一分。雨。

二十九日 阴。无事。夜雨。闻董恂士为教育部次长。

三十日 晴。午后收二十二及二十三日《民兴日报》各一分。下午赴中国通俗教育研究会，傍晚乃散。此会即在教育部假地设之，虽称中国，实乃吴人所为，那有好事！晚恂士来，饭于季市之室。

三十一日 晴，午后雨。本部开谈话会，总、次长演说。下午收二十四、二十五日《民兴日报》各一分。傍晚晴。

八月

一日 午后稻孙来，在季茀之室，遂同往琉璃厂，购《坤雅》一部四本，二元，似明刻也。晚饮于广和居，颇醉。

二日 午前得二弟信，二十七日发，有哀范爱农诗，云：天下无独行，举世成委靡。皓皓范夫子，生此叔季时。傲骨遭俗嫉，屡被蝼蚁欺。侘傺尽一世，毕生清水湄。今闻此人死，令我心伤悲。扰扰使君辈，长生亦尔为！收廿七日《民兴日报》一分。午后寄二弟信。录汪文台撰本《谢沈后汉书》一卷毕。又收廿六日《民兴报》一分。晚杨莘士招饮于广和居，同席者章演群、钱稻孙、许季黻。夜风，微雨。

三日 雨，上午晴。无事。

四日 晴。星期休息。上午收廿八日《民兴日报》一分。午后钱稻孙、杜海生来。晚蒯若木来。

五日 上午冯汉叔至部见访。午收二十九日《民兴日报》一分。下午赴部听教育会议员说各地教育状况，而到者止浙江二人。晚雨，有风。

六日 雨。伍博纯来劝人通俗教育研究会甚力，却之不得，遂允之。收卅日《民兴日报》一分。

七日 晴。上午冯汉叔至部见访。午归寓途中车仆墮地，左手右膝微伤。见北京报载初五日电云，绍兴分府卫兵殴越铎报

馆。收七月卅一日、八月一日《民兴日报》各一分。晚得二弟所寄小包，内复氏《美术与国民教育》一册，福氏《美术论》一册，均德文，一日付邮。

八日 上午得二弟信，二日发。下午寄二弟信。钱稻孙来。

九日 晨得谢西园信并还银十圆。午后张燮和来，同季市饮酒少许。夜雨。

十日 阴，午后雨。晚小饮于季市之室。

十一日 雨。星期休息。午后杜海生来。下午杨莘士、钱稻孙来。晚收二弟所寄德文思氏《近世造形美术》一册，初五日付邮。

十二日 晴。数日前患咳，疑是气管病，上午就池田医院诊之，云无妨，惟神经衰弱所当理耳。与水药、粉药各二日分，价一元二角，又初诊费二元。下午得二弟及三弟信，初六日发。半夜后邻客以闽音高谈，狺狺如犬相啮，不得安睡。

十三日 阴。上午寄二弟及三弟信。

十四日 晴。上午至池田医院就诊。午后同季市至廊房头条劝工场饮茗，余又理发。复至土地祠神州国光社购《南雷余集》一册，《天游阁集》一册，共一元二角。夜饮于季市之室，食蒲陶、鮑鱼、杏仁。得二弟所寄小包二，内《域外小说集》第一、第二各五册，初八日付邮，余初二函索，将以贻人者也。

十五日 以《或外小说》贻董恂士、钱稻孙。午后张协和来。晚写汪文台辑本《谢承后汉书》八卷毕。阅赵蕤《长短经》，内引虞世南史论，录之。

十六日 阴。自本日起以上午九时至下午四时半为办公时间，此为部令破旧定规则者也。午大雨，下午晴。得二弟所寄 V. van Gogh:《Briefe》一册，十日付邮。夜饮于季市之室。

十七日 晴。上午往池田医院就诊，云已校可，且戒勿饮酒。假得《续谈助》二册阅之。

十八日 星期休息。午得二弟信，十二日发。下午寄二弟

信。

十九日 下午谢西园来，未遇，见其留刺。旧历七夕，晚铭伯治酒招饮。

二十日 上午同司长并本部同事四人往图书馆阅敦煌石室所得唐人写经，又见宋、元刻本不少。阅毕偕齐寿山游十刹海，饭于集贤楼，下午四时始回寓。

二十一日 午后蔡国青来。得冯汉叔名刺，知上午来访。

二十二日 晨见教育部任命名氏，余为佥事。上午寄蔡国青信。晚钱稻孙来，同季市饮于广和居，每人均出资一元。归时见月色甚美，飘游于街。

二十三日 得二弟信，十六日发。晚钱稻孙来，因同至琉璃〔厂〕购纸，又至神州国光社购《古学汇刊》第一编一部两册，价一元五分。夜胃痛。

二十四日 上午寄二弟信。午后赴钱稻孙寓。

二十五日 星期休息。上午许诗荃、商契衡来。午后钱稻孙来，同往琉璃厂，又赴十刹海饮茗，傍晚归寓。

二十六日 阴，雷，午后雨一陈即霁。晚寄二弟信。

二十七日 晴。下午往钱稻孙寓，又同至余寓，即去。晚协和来。夜半风雨，大雷。

二十八日 晴。与稻孙、季市同拟国徽告成，以交范总长，一为十二章，一为旗鉴，并简章二，共四图。下午得二弟信，内附二弟妇及三弟信，二十二日发。收二十一及二十二日《民兴日报》一分，盖停版以后至是始复出，余及启孟之哀范爱农诗皆在焉。晚稻孙来，大饮于季市之室。

二十九日 上午致伍博纯信。下午收二十三日《民兴报》一分。晚稻孙、协和来。

三十日 阴。下午收本月俸百二十元，半俸也。夜半雨。

三十日 晴。上午寄二弟及二弟妇并三弟信。下午收廿五日《民兴日报》一分。晚董恂士招饮于致美斋，同席者清哲存、